

Minangkabau - Bini Alkitab - Wives Scriptures

Efesus 5:22-24 Nan bini, tunduaklah kabake laki, samo jo bakcando inyo tunduak kapado Tuhan. 23 Dek karano laki adolah kapalo dari bini, samo jo bakcando Isa Almasih pun manjadi Kapalo dari jamaat, Baliau sandiri pulolah Rajo Panyalamaik, bagi jamaat nan manjadi tubuah-Nyo. 24 Bakcando jamaat tunduak kapado Isa Almasih, baitu pulolah bini dalam sagalo parkaro musti tunduak kabake laki.

Efesus 5:31,33 Di Alkitab ado tatulih, "Dek karano itu, surang laki-laki ka maninggakan apaknyo jo biyainyo, untuak basatu jo bininyo, mako kaduwonyo ka manjadi satu." 33 Tapi ayaik ko ado pulo ubuangannya jo angku-angku: Andaknya satiyok laki mangasiahil bininyo, bakcando inyo mangasiahil dirinya, baitu pulo satiyok bini andaknya ma aromaik-i lakinyo.

1 Korintus 7:3-5 Laki musti mamanuahi kawajibannya sebagai laki taradok bininyo, baitu pulo bini musti mamanuahi kawajibannya, sebagai bini taradok lakinyo; satiyok-tiyok inyo musti mamanuahi kawajibannya taradok bini atau lakinyo. 4 Bini indak bakuwaso doh jo tubuahnya; nan manguwasoi tubuahnya adolah lakinyo. Baitu pulo laki, indak bakuwaso doh jo tubuahnya; nan manguwasoi tubuahnya adolah bininyo. 5 Urang nan balaki bini, janlah bajauahan. Buliah bajauahan hanyo untuak samantaro, asakan kaduwo-duwonyo lah samupakaik. Jo caro nan baitu, satiyok-tiyok inyo buliah dapek badowa, saingga indak tagaduah. Tapi sasudah tu, mustilah angku-angku babaua baliak, samo-samo mandakek-i bakcando galiknya urang balaki bini. Jikok indak baitu, tantu angku-angku bisa tapadayo dek bujuak rayu ubilih, dek karano angku-angku indak kuwaik manahan napasu.

1 Korintus 7:34 akibaiknya paratiannya lah tabagi-bagi. Surang padusi nan indak balaki, atau surang anak gaduh, mako inyo ka banyak mamikiekan parkaro-parkaro tantang Tuhan, dek karano, inyo niyo supayo jiwa jo tubuahnya manjadi miliak Jehovah. Tapi, surang padusi nan lah balaki, pangananya tatuju ka parkaro-parkaro dunia, dek karano inyo niyo manyanangkan ati lakinyo.

**Kolose 3:18 Oih sudaro-sudaro nan manjadi induak bareh!
Patuahlah kabake junjuangan angkau, dek karano baitulah
samustinyo caro iduik angkau, sabagai urang Kristen.**

- 1 Timotius 2:11-15 Padusi samustinyo banyak anok, sarato jo patuah dalam baraja. 12 Ambo indak mambuliahkan doh padusi ma aja, atau mamarentah laki-laki; padusi musti anok. 13 Dek karano, nan partamu-tamu dijadikan adolah Adam, kudian barulah Siti Hawa. 14 Bukannya Adam, tapi padusilah nan tadayo, sainggo malangga parentah Jehovah. 15 Biyapun baitu, padusi ka disalamaikkan dek karano inyo malayiekan anak, asakan inyo sacaro randah ati, tatap ba iman kapado Isa Almasih, tatap mangasiahhi urang lain, sarato iduik sangajountuak Jehovah.**
- 1 Petrus 3:1-6 Baitu pulo sudaro-sudaro nan manjadi bini, musti tunduak kabake laki, supayo jikok ado di antaro inyo tu, ado nan indak picayo kabake barito dari Jehovah, mako kalakuan sudaro-sudaro dapek mambuwek inyo manjadi bi picayo. Sarato indak paralu lai sudaro-sudaro mangatokan apo-apo kabake inyo, 2 dek karano inyo maliyek kalakuan sudaro-sudaro nan suci sarato jo saliah. 3 Janlah roman rancak sudaro-sudaro hanyo rancak diluwa, bakcando, misanyo manyegehi rambuik, atau mamakai pariysan, atau bapakaian nan maha-maha. 4 Sabaliaknyo, andaklah roman rancak sudaro-sudaro tu timbua dari dalam batin, tingkah laku nan lamah lambuik, sarato jo tanang; itulah roman rancak nan kaka, nan sangaik ba arago manuruik pandangan Jehovah. 5 Jo caro ikolah pado jaman sa isuak, padusi-padusi nan ba agamo nan baharok kapado Jehovah, mamparancak diri jo sacaro tunduak kabake lakinyo. 6 Siti Sarah pun baitu pulo, inyo patuah kabake Nabi Ibrahim, sainggo manyabuik Nabi Ibrahim tuannya. Sudaro kiniko adolah anak-anak Siti Sarah, jikok sudaro-sudaro mangarajokan parkaro-parkaro nan baiak, sarato indak takuik kabake apo pun juwo.**

Titus 2:1-5 Tapi nan angkau, Titus, andaklah angkau ma ajakan pangajaran nan tapek. 2 Nasiyaik-ilah urang laki-laki nan tuwo, supayo inyo manahan diri, bijaksano, sarato iduik sabagai urang nan patuik di aromaik-i. Inyo musti pulo bapacik kabake pangajaran nan bana nan dari Jehovah, mangasiahhi sacaro

samparono, namuah sansaro sacaro jo tabah. 3 Baitu pulo, andaklah angkau manasiyaik-i padusi-padusi nan tuwo, supayo parangainyo sasuwai jo apo nan patuik, bagi urang nan iduik sangajo untuak Jehovah. Inyo indak buliah mampitanah urang lain, sarato indak buliah pancandu minunan kareh. Inyo musti ma ajakan parkaro-parkaro nan baiak, 4 supayo jo caro itu, inyo dapek mandidik padusi-padusi nan mudo, untuak mangasiahi lakinyo, sarato jo anak-anaknyo, 5 supayo inyo manjadi bijaksano, iduik suci, sarato manjadi bini nan baiak di rumah tanggo, nan tunduak kabake lakinyo. Jo caro nan baitu, indak ado lai urang nan ka dapek mancacek barito dari Jehovah.

1 Korintus 11:5-7,10 Jikok surang padusi, dikutiko inyo badowa, atau dikutiko inyo manyampaikan barito nan dari Jehovah, di adok-an urang nan banyak, tapi inyo indak batikuluak, ba arati inyo tu mahino lakinyo, nan manjadi kapalo ateh dirinyo. Itu samo jo sa olah-olah kapalonyo lah dicukua. 6 Dek karano, jikok padusi indak namuah mamakai tikuluak, mako labiah elok abuaknyo dicukua. Tapi, padusi nan dicukua kapalonyo, atau nan dikuduang abuaknyo, mako itu marupokan suatu kahinoan bagi dirinyo. Dek karano itu, labiah eloklah inyo mamakai tikuluak. 7 Laki-laki indak paralu doh mamakai sawok kapalo, dek karano inyo manggambarkan pribadi Jehovah, sarato jo kabasaran Jehovah. Tapi, padusi, manggambarkan kabasaran laki-laki, 10 Dek karano itu, untuak manyanangkan ati malekaik-malekaik, mako padusi mustilah mamakai tikuluak, sabagai tando baraso inyo di bawah kuwaso lakinyo.

Genesis 3:16 curse on Eve (Bini)

Kiyeh 12:4; 14:1; 19:13; 21:9,19; 25:24; & 27:15,16 - contentious & angry Bini

Kiyeh 31:10-31 - The Virtuous Bini